


मञ्जुश्रीपाराजिका



चवमि

पण्डित मोहनराज वज्राचार्य

20

21

22

जिगु छगु खँ

शुचि नियम यागु खँ, त्योगु मत्योगु यागु खँ,
अकर्तव्ययागु खँ मसिया लालाथ्य नयात्वंना मत्यो
मत्योगु यानाजुई, अथ्यया निति भगवानं कना विज्यागु
थुगु मञ्जुश्री पाराजिका स्वयागुलिं त्यो मत्योगु अक-
र्तव्य यागु खँ शुचि नियम यागुखँ श्व यायत्यो श्व
यायमत्यो धका सिस्यंलि अकर्तव्य यायी मखु शुचि
नियमे च्वनी धका लोकं सीके थुईक्य यानिति थुगु
मञ्जुश्रीपाराजिका मयूरवर्णमहाविहार(भिछेवाहाले)
च्वंह्य श्री पणिऽत कविराज ज्योतिष मोहनराज वज्रा-
चार्य गुरुयात च्वका थुगु मञ्जुश्री पाराजिका प्रकाश
याना जुल । अस्तु

प्रकाशकः

दानबहादुर शाक्य

न्हूछें नुगः, यल ।

भूमिका

कुल धर्मे चवना नियम याय्मागु योनिसंशोधन
निस्यं गर्भाधान जुस्यंलि गर्भाधान, शीमन्तोपनयन,
जातकर्म, नामकर्म, उपनयन, चूडाकर्म, वर्तदेश, समा-
वर्त, पाणिग्रहण, श्व दशकर्म याय्गु वज्राचार्यजुया
अभिषेक काय्गु नित्याचार याय्गु प्रव्रज्याव्रत कया
भिक्षु जुयगु पापयानागु बापफुकेत प्रायश्चित याय्गु
अशुचिया शुचि याय्गु नरक भोगयाय् स्वाक तरेजुया
मुक्ति वन्यगु मृत्युजुस्यंलि संहाराग्नि होम कर्मयाय्गु
दुर्गति परिशोधन क्रियायाय्गु जलदान पिण्डदान अग्नि
संस्कार याय्गु होमयाय्गु दुःखंचवनेगु अस्थिकाय्गु
पिण्डदान याय्गु लीनयाय्गु दशपिण्ड थय्गु चतुर्वर्ण
(ब्राह्मण, क्षत्रि, वैश्य, शूद्र)या शुचि जुईगु यनंब्यंकेगु
श्राद्धपिण्डयाय्गु याय्त्योगु मत्योगु नियम बिकल
मदेकं पिण्डथय मत्योगु पिण्डविसर्जन याय्गु आत्म
घातक याव पित्त पिण्डदान याय्गु सी बुई बलेशुचि
याय्गु पर्वतं कुतुंबना लखं चुयक यना सीपिंगु क्रिया
याय्गु शुचियाय्गु देशान्तरे सीपिंगु क्रिया याय्गु

शुचि याय्गु दुःखं चवनेगु सीथाय् हानं सित बुल
 धाःसा शुचियाय्गु नियम ब प्रायश्चित याय्गु । भिक्षु
 तय्सं भक्ष भोजन याय्मत्योगु खं काय्मदुपि सितसा
 अग्नि संस्कार याय्गु थुमिसं २ याय्गु धयागुखं नित्य
 कर्म तोत्यमज्यूगु खं शुचि याय्मागुखं न्हेपोस्ताया थः
 थितिपि विवाह याय्मज्यूगु खं दश पारमिता आजु
 पिगु खं पंचथवीर दय्का पापयानागु पार याय्गु खं ॥
 ॥ पंचगव्य यागु निर्णय ॥ ॥ थुजा थुजागू नियम
 यागु नियम याय्मागु खं मसिया थ्व पापं नरकभोग
 याना दुःखसीधका मुक्तिजुया वनेतः याय्मागु पाप
 फुकेगुखं मंजुश्रीनं न्यना बिज्यास्यंलि भगवानं आज्ञा
 दय्का बिज्यागु थुगु मञ्जुश्री पाराजिका श्लोक
 मतस्य सकसिनं अपुक थुयक्य यानिति असामयिक खं
 (नियम) त मतस्ये थुलिजक भाषा चवया प्रकाश
 याना ।

थ्व ग्रन्थ प्रकाशयाय् निति आग्रह याकह्म ललित-
 पुर नुगः न्हूछें चवनह्म दानबहादुर शाक्य यात धन्य-
 बाद बिया चवना । अस्तु

—चवमि

मञ्जुश्री पाराजिका

ॐ नमो रत्नत्रयाय ॥ ॥ अथ थनंलि छनुया दिनस
श्री शाक्यमुनि भगवान् जेतऋषि देकाव्यूगु जेतवन
महाविहारस दुहां विज्यात । उगु वखतस जेतवन विहारस
विज्याना चवंम्ह पूर्ण धयाम्ह भिक्षु जेतऋषि आदि
शिष्यपि सकसिनं भगवान् बिज्यागु खना हर्षमानयाना
लाहात हाजलपा चरण कमले भोपुया कुशल वात-
याना आसनस बिज्याकल ॥

थुगु समाचार सिया मञ्जुश्री बोधि सत्व आदि
मेमेपि आपालं बोधिसत्व महासत्त्वपि बिज्यात । हानं
राजा प्रजा लोकपि सकल्यंवया श्री भगवान् यात
दर्शनयाना धर्म कथा न्यन्यधका ईच्छायाना चवन ।

थुगु बखते ह्लापां मञ्जुश्री नं श्री शाक्यसिंह
भगवान् यात नमस्कार याना करुणा वन्त जुया चवंम्ह
मंजुश्रीनं शाक्य सिंहयाके बिन्तियात । गथ्य विन्तियात

धाःसा हे भगवन् हे नाथ थ्व संसार समुद्र अतिभया-
नक जुया च्वंगु महा समुद्रस दुना च्वन । सकल मनुष्य
लोक थुपिं सकल्यं तरेयाय्था कारणस छलपोलं
आज्ञादयका बिज्याय माल । थ्व संसारे जन्मकास्यं
निस्ये तथागत पदमलातले यायमागु क्रियाकर्म यागु
खँ गुलितक नियमस चोन्यगु, पुनर्वार नियमया याय्मागु
खँ शुचियाय्गु खँ शान्तियायेगु खँ गथ्य २ याय् माल
धका श्री शाक्यमुनि भगवान्थाके थुगु उपदेश बिया
बिज्याहुं धका श्री मञ्जुश्री बोधिसत्वं न्यना बिज्यात ।

थनंलि श्री शाक्य सिंह भगवानं आज्ञादयकल ।
हे सत्त्व प्राणिपिनि उपरस करुणावान् जुया च्वंम्ह
मञ्जुश्री छलपोलयात सकल सत्त्व प्राणि हितयाय्
कारणस जि थथ्यं कने । गथ्य धालसा ब्राह्मण क्षत्रि
वैश्यया विधि क्रिया परिपात हानं शूद्रया परिपात
याय्मालगु सकतां गथ्य २ याय्माल धालसा थ्व फुक
खँ जि कनेजुल । हे मञ्जुश्री न्यना बिज्याहुं ब्राह्मण
क्षत्रि वैश्य थ्व ते स्वंगु जातया संस्कार क्रिया याय्माल
बोधान तयगु (चूडाकर्मयाय्गु) आदि बुसखाय माल ।

गुगु बखते स्त्री जातिया पुष्पावती धाय (रजस्वला
जुल) थुगु बखते मास २ पति स्वचा प्यन्हु बाधे याना

व्यनकेमा प्यन्हुतक अशुचि छुं थियमत्यो थुकिं लये २
 मोल्हुयमाल । थनंलि स्त्री पुरुषया अनुरागं बीजया
 अंकुर दयी स्त्री जनया गुबले ऋतु मजुल थुगु बखते
 गर्भस उत्पत्ति जुई । गुम्ह स्त्रीजनया गर्भे दत उगु
 बखतं निस्यं ब्रतयाना नियमयाना उपासं चोनेमाल ।
 लछि २ स शुचिपवित्रयाय क्रिया कर्म मालको विधान
 थ्यं यायेमाः ॥ ब्राह्मण, क्षत्रि, वैश्य, श्वतेस्वंगु जातया
 मिसात गर्भस दयव प्यलाया कर्म, खुलाया कर्म,
 च्यालाया कर्म, शीथार (शीमन्तोपनयन) पूजायाय्गु
 आदिं मतप्वा ६० प्वा छोय्के माल । थव २ या कर्मया
 व्यवहार थ्यं क्रिया याय्माल । गुगु बखते गुलाफुना
 जन्म जुलसा संस्कार याये । जात कर्म याये मधुप्राशन
 याये । नाम कर्मयाये । यथाविधिथ्यं कर्म याये माल ।
 थनंलि बोधिसत्वगण न्ह्योन्यतया त्रिसमाधि योग
 याये । हानं पितृ लोक तृप्ति याये । संपूर्ण बिधि
 विधानथ्यं कर्म याये माल । थन जात जुवर्थ्य जात
 कर्म निस्यं अन्नप्राशन विधियाना ह्ये । कलश पूजा
 गोमाता पूजा याये । हानं ताय्, अक्षत्र, वयल, पुवा,
 तछो, ईका, भोयुहामो, साधौ, साध्यो, तीर्थलंख
 श्वतेतया अर्धयाये । संपूर्ण पाप नाशयाय् अर्थनं
 यायेमाल ।

थनंलि शरीरस चोनगुलिं बीज उत्पत्ति शुद्ध
याये । अर्थ नं रक्षायाय् अर्थ नं, आचार्य नं थथ्य
भावना याये ॥ थनंलि नाभि छेदन याये । शून्यता
करुणा भावसीका व याये ॥ गथ्य धालसा संपूर्ण संसा-
रस गुलि स्वभाव जुल उगु हे स्वभावं तथागत स्वभाव
भालपा भाव अभाव भालपा नाभिछेदन याये ॥
थनंलि महा विचक्षण पण्डित ज्ञानि पिसं धारणी पाठ
याके, स्मृति विजया आदि पाठ याना व थनं मचायात
द्यो लोसुयके (नके) स्वस्ति वाक्यनं बोने । थथ्य याय्
धुंस्यांलि थनंलि मचायात मोल लहुयके दान कर्म याये ।
मंषल वाद्य थाके । नाभि छेदनयाये बखते थुलि विधि
याना तिनि गुम्हसिया मचा बुल वया मचा जुई थुति
पूजा कर्म याये माल ॥ थवते प्रकारणं कर्म क्रियाधुंका
कलशा भिषेकबी, आशीर्वाद बी, रक्षा बी॥ ॥ इति
नाभि छेदन जातकर्म विधि जुल ॥

थथ्य हानं संपूर्ण याना त्रिसमाधि भावना याना
खुफावा तया मत ६० प्वा छोय्के ॥ थथ्य हानं ह्तापा
याथ्यं कर्म क्रिया याये ग्रह साधन याये, ग्रहमा तृका पाठ
यायेमाल ॥ थनंलि थव २ जातया प्रमाणं थ्यं फिनुखुनु
फिनिन्हु खुनु नीनिन्हु खुनु नाम कर्मयाये, वर्ण २
विशेषं नं याये ब्राह्मणजात यात जुलसा मुनिपद
तये, राजायात भद्र पद तये, वैश्ययात जुलसा गृह

पति धाये शूद्र यात जुलसा कृषकधका नाम तये ॥
 ॥ अथवा ब्राह्मणयात शर्म धाय्, क्षत्रि यात वर्म धाय्,
 वैश्ययात गुप्तधाय् ॥ मिसा तेतनं थ्व थ्यं क्रमथ्यं
 मिजंयानामे कोकया दीर्घाक्षर लाचका नाम छुये ॥
 शूद्रयां थ्वथ्यंतुं ॥

थनंलि मचा स्वला दयाव पिला वयनका थुम्ह
 बालक श्री सूर्य दर्शन याके थनंलि थ्व बालक अन्नप्राशन
 याचके । ह्लय्ला दय्का पुत्री, च्याला दयका पुत्र यात
 अन्नप्राशन क्रिया कर्म याये । धारणी पुस्तक न्ह्योन्यतया
 पुनर्वार सफु अलङ्कार (तिसा) वस ज्याभ चाथथिन्येगु
 बस्तुक तये । थुगु बखते गुम्ह बालकं ह्लापां गुगु
 बस्तुकस थिल उगु व्यापार थ्व मचां यायीव ॥ इति
 अन्न प्राशन विधिजुल ॥

थनंलि चूडाकर्म याये, ह्लयपं प्वाखने, कथंथ्यं कर्म
 यानाहये ॥ ब्राह्मणया, क्षत्रिया, वैश्यया, शूद्रया
 कथंथ्यं थव २ गु कर्मयाये ॥ मामया गर्भस च्वनगुनिस्यं
 ल्याय् स्वयाव न्हेदं निस्यं फिं निदं न्ह्यो बुसं खाये
 (बन्दे छुये) जनीविये, ज्वना बिये, थव २ जातया
 अनुसारकथं तथागतया शासने तये ॥ ॥ हे मंजुश्री
 तःधंगु बुद्धि दुम्ह स्यं थथ्ययाः धका श्री शाक्य मुनि
 तथागतं आदेश व आज्ञादय्का बिज्यात । आः गथ्य

याय्गु धाःसा गुरू उपाध्या थकाली, नोकू, प्रभृति
 तथा क्रिया कथनं कर्म याये ॥ ह्तापां बुद्ध, धर्म, संघ,
 यागु शरण काय्के अर्थात् नमो बुद्धाय नमोधम य नमः
 संघाय धका नांकाय्के । थनंलि पंचशिक्षा बिये ।
 थनंलि सँखाये, गृहस्थ भिक्षु ज्वीयोसा आगंसं तये ।
 हानं गृहस्थ भिक्षु जुयमखु बानप्रस्थ तपो बन बासयाय्
 प्रब्रज्याब्रत कया साक्षात् भिक्षु चर्यासि चले यायेगु
 ईच्छा जूसा शिरस सकभनं व्याकं सँ खाके थनंलि
 मालको भिक्षु कर्मयागु उपदेश विये ॥

हे मञ्जुश्री ! गुम्हस्यं साक्षात् भिक्षु जुय्गु
 बांछायाना याकनं तरे जुया वने धाःम्ह पुरुषनं
 सुंप्राणिपि बध याय् मत्यो (स्यायमत्यो) १ पर द्रव्य
 लोभ तथा काये मत्यो २ पर स्त्रीयाके लोभ मतसे ३
 स्त्री संभोग तोते ४ ऊठ्ठा खँ मल्हाय् मद्यपान, मांस,
 मने तोताबी ५ थुलितोत्यगु पञ्चशिक्षा धाय् ।
 पञ्चशिक्षा कन्य धुन ॥ ॥ हानं दश शिक्षाया
 खँ कने साक्षात् भिक्षु जुस्यंलि, प्याखंहुयमत्यो
 १ स्ये हालेमत्यो २ नाना बाद्य थाय् मत्यो ३
 त्वाक स्वानं छुय मत्यो ४ नस्वाक लेपन याय् मत्यो
 ५ रंगिचंगी बस्तुनं पुन्य मत्यो ६ लिब खाता आदिसं

अन्य मत्यो ७ चोजागु आसनस चोन्य मत्यो ८ अवेलास
नयं मत्यो ९ सुवर्ण वह अलंकार तिसानं तिय मत्यो १०
श्वते फिता तोलते माल ।

थनंलि थुलि तोतुस्ह यात चीवर बस्त्र स्वंगु लव
ह्लाये, पिण्डपात्र कुंघाल लव ह्लाये । थनंलि षट्
पारमितायागु धर्म उपदेश बिये, षट् पारमिताधाय् दान
याय्गु शीलतयगु क्षान्ति सहयाय्गु वीर्यपराक्रमं लोक
रक्षायाय्गु ध्यानं त्रिरत्न लुमंके, प्रज्ञाज्ञानं बोधिज्ञान
लाय्गु, श्व खुता धारण याय् माल ॥ हानं आर्य सत्यादि
सम्बर ग्रहण बिये आर्यसत्य धाय् 'दुःख, दुःख समुदय, दुःख
निरोध, दुःख निरोध गामिनी' सम्बर ग्रहण धाय गुगु
कल्याण जुईगु खः उगु यात ज्वनेगु धका सीकि ॥

थनंलि कोटि शिक्षाबिये ॥ थनंलि बोधिचित्त
ज्ञानबिये ॥ श्वते ज्ञान लात धायव तिनि उत्तम भिक्षु
धाय्, श्वयां बछि शिक्षा लाकम्ह यात श्रावणेरक भिक्षु
धाय् श्रावणेरक भिक्षुयां बछि शिक्षा लाकस्ह चैलक
धाय् भिक्षुनं होमकर्म आदि क्रिया याय मज्यू ॥ ॥
उत्तम भिक्षुजुलं निर्वाण पद लाक मेवयाके उपेक्षा
मयाकया निमित्ते बज्रघण्ट आदिसं होम कर्म याय्,
संपूर्ण कर्मया सर्वाधिकार जुल ॥ पुनर्बार श्रावणेरक

भिक्षु चैलक भिक्षु थुपि निम्हसितजक बज्जाचार्य पद
बिये ॥ महायान सूत्र आदि पाठ मण्डल दर्शन याके ॥
॥ कायमचा िनिदं दतधायव संपूर्ण भाजन क्यने
संपूर्णनियम याके थ्वस्वंगु जातिया ब्राह्मण, क्षत्री, वैश्य,
डादं िनिदं िखुदंस क्रमथ्यं कर्म क्रिया याय्, शूद्रया
जुलसा कयता जनिकबिये ॥

थुगु कथं डादं दयव िनिदं दयव िनिदं लिपा
िखुदंन्ह्यो स्वंगु जातया संन्यासि जुयगु जुलसा मंत्रबिया
योग धरलपा त्रिपताक धर लप्ये ॥ भिक्षु हे जुयगु
जुलसा शिखाछेदन याना चीवरनं कोखाया धर्म धातु
तयागु क्षिक्षिरिका कुंधार पिण्डपात्र धरेयाना पंचज्ञान
बिशुद्धिलाय् ॥ वज्रघण्टया तत्वलाय् प्रज्ञापारमिताया
आत्मकस्वय, संबृत्तिसत्य परमार्थ सत्य धयागु सिय्के
इहलोक परलोक धयागु सिय्के ॥ तथागत धयागु
तथागतयागु ज्ञानसिय्के ॥ थ्व संसारस ब्राह्मण क्षत्रि
वैश्य शूद्र थ्वतेजातिया उत्तम बुद्ध गथिम्ह बुद्ध धालसा
िनिम्ह सूर्यया तेज दुम्ह थथिम्ह स्वर्ग मर्त्य पातालस
ब्याप्तम्ह बुद्ध सकस्यनं बन्दनायाना तवम्ह थथिम्ह
बुद्ध यागु पदेइच्छा याना प्रब्रज्याब्रत ग्रहणयाकम्ह यात
बन्देजु धाय सकस्यनं बन्दनायाना नमस्कारयाय् योग्य
म्ह जुल । ॥ इति प्रब्रज्या ग्रहण विधि जुल ॥

शाकेतनगरस शाक्य कुमारया कुलस जन्म कावपि
जन्म कायतुं नं बन्देजुधाये, प्रव्रज्या व्रत कयाव भिक्षु
जुल ॥ हानं प्रव्रज्याव्रत तोता लिहां वयाव पुनर्वारि
वज्रघण्ट धरलया वज्राभिषेक कया वज्राचार्य जुल ॥
वज्राचार्य धयापि थथ्य जूपि ॥ ॥ वज्राचार्य जुल
धायव सकल लोकपिके चरलपे माल ॥ छुयानिति
धालसा सर्व सत्व हित याय्या कारणे गुम्हस्यं वज्राचार्य
जुया शास्त्रस चवंगुथ्यं चलेयाई उह्यस्यं भुक्तिमुक्ति
फल लाई ॥

थनंलि कुलायने चवंम्हस्यं गथ्य याय् मागुधाःसा ॥
॥ प्रातः कालस दनाव थवगु आत्माशुद्ध याना पूर्व
दिशास स्वया थवइष्ट देवता श्री त्रिरत्न देवता यागु योग
जप स्तोत्रयाय् ॥ आसानिकं धाय (सूर्यमलुवं) ईशान-
स्वया, सूर्यलुयका पूर्वस्वया, बाह्नि जाइबले जूसा दक्षिण
स्वया थुगु प्रकारं सूर्य न्ह्योन्यलाका मल मूत्र त्यागयाना
शुचि याय् ॥ ॥ थनंलि लखसायगु (लखं सिलेगु)
गथ्यधालसा ह्हापां लखं सिले अनंलि नौलि बुया
शुद्धयाय् (शुचियाय्) हानं लखं शुचियाय् गुबलेतक नँ
दत अंथाय् तकं लखं शिला शुचियाय् मार्ग द्वार पर्यन्त
लाहातं सिले स्वधा न्याधा ह्लयधा पर्यन्तं सिले गृहस्थ

पुरुषया विशेषनं चैलकया श्रावणेरेक भिक्षुया दुगंछि
 स्वदुगं पर्यन्त लाहात सिले ॥ भिनकं लाहात सिले ।
 तुतिसिले थनंलि लाहा चाय धुंका म्हुतुचोले नसलाकाय्
 थवगु आत्मा शुद्धयाय् (शुचियाय्) ह्लिह्लि थथ्य शुचियाय् ।
 लाहाया पतिचाया लुसिया चोका नं वयक नुंसिला
 कालसा अपवित्र (अशुचि) अधम पान थ्यं सन्तुं बराबर ॥
 थुकिं पालाहातितया नों चाय माल ॥ नोंसिला कायत
 शिरस बेतालि तुपुलि पुया अथवा सँ आगंसँ धपल्यं
 तया हानं लाहा मस्यूस्य आचमन यानागु अशुचि जुई,
 थुकिया निति लाहात चाया म्हुतुं मथियक अलगनं
 नोंसिला कायमाल थथ्ययाःसा शुचि जुई ॥ ॥ थुलि
 शुचिया खँ कना जुल ॥

अथ थनंलि स्नान विधिकने धका श्री भगवानं
 आज्ञादय्का बिज्यात ॥ हे मञ्जुश्री थनंलि मोल
 ल्हुयगुया विधि गथ्यधाःसा साक्षात् भिक्षुया जूसा मंत्र
 स्नान जक यानां शुचि, चैलक भिक्षुया जलस्नानयाना
 तिनि शुचि, बिशेषणं ब्राह्मणया मोल्हुय माल तीर्थ
 जलनं ॥ ॥ स्नानयाय्या कारण छुयानिति धाःसा थ्व
 शरीरे गुंगुद्वारदु थ्व द्वारस दुगन्ध अपवित्र चवतिनं क्यूगु
 दुगु जुया चवन थुकिया नितिनं स्नान याय् (मोलल्हुय)

माल । स्नानकर्म यानानं तःधंगु पुण्य । उकिं फुक्व
 प्रकारं स्नानयाय् माल यथा न्हाषां मल स्नान याय्,
 थनंलि मंत्र स्नान याय् थनंलि ध्यान स्नान याय्, थनंलि
 जल स्नान ॥ ॥ मोल ल्हुस्यंलि देवता यात तर्पण
 मयास्यं धवति चाय् मत्यो गुम्हस्यं अज्ञाननं धोति
 चालसा मोल ल्हुयाया निस्फल ज्वी । हानं गुम्ह मूर्ख
 मोल ल्हुयगु बखते वा बुया म्हुतु चोला थासंतुं
 चोना मोल ल्हुय मत्यो ह्लापाया थास चिला
 मेथाय् मोल्हुयमा ॥ हानं सपोलप्याना जल तर्पण याय्
 ध्यान जाप याय् । सपोमप्यास्यं सँफहनं तथा देवयात
 जल तर्पण बिलसा सकल कर्म यानाया निस्फल धाय्,
 फल मदु ॥ हानं सपोल मचास्यं शरीर न्यास यातसा
 निस्फल जुयी ॥ थनंलि सकल देव यात तर्पणादि
 याय् प्रणाम याय् । अनं लिपा पितृ लोक
 यात प्रेता ञ्जलि बिये ॥ थनंलि बस्त्रं पुन्य थनंलि
 बुद्ध. धर्म. संघ. त्रिरत्नया शरण वने । संपूर्ण थमं याना
 तयागु पापया खँ देशना याये ॥ शुभ कर्मस हर्ष मान
 याये, अशुभ कर्मतोते ॥ सम्बर ग्रहण याय् सम्बर
 धयागु कल्याण जुइ गुली चोने (जोने) । थनंलि गुम्ह
 मनुष्यं बुद्धपद लाय्गु इच्छायात दुःख संसारे चाहुले
 म्वालगु इच्छायात थुम्ह मनुस्यं थ्व पाराजिका शास्त्रे

स्वया बोधिचित्त उत्पत्ति याये । बोधिचित्त धयागु पर
उद्धार याय्गु क्षमा धर्म (सह याय्फयक्यगु) अत्यन्त
शान्त स्वभाव जुया भिगु चित्त उत्पत्ति याय्गु बोधि
चित्त ॥ हानं बारंबार धारणी पाठ बोने अत्यन्त भिगु
पूजा श्री ३ धर्मधातु चैत्यपूजा याये थवगु आत्मा
शुद्धयाये स्वाकं न्वँमवाये लाक्व पाक्व हाला मजुय्,
पञ्चईन्द्रिय निग्रहण याय् धयागु मिखा, न्हयपं न्हाय्
म्हुतु, शरीर थ्व न्याता यात चिनातये मभिगुली गनं
मिखामते मत्योगु धाक्वो परार्थकर्म मयाये शुचिशील
याय्गुली बरा चतुर जुये ह्लापा कनागुथ्यं विधि
विधानथ्यं चलेयाये नित्यकर्म याये थ्व शास्त्र तथागत-
पिसं ह्लास्यं आज्ञा दयका तक्व सदां धारण याये ॥

हानं नियम याय्गु ग्रहण स्वयबले ग्वाय् स
खाय्बले भिक्क मम्हना च्वनीबले स्त्रीप्रसंग याय्बले
सीबले तीर्थे वने वेलस नैमित्तिक जुई बेलस
(नैमित्तिकधाय) तःधंगुक्रिया कार्यस) ज्यासिद्ध
मजुवं सी. बुई. जुई अशुद्ध बाक्य न्यने मालसा मोल
ल्हया बियमाल । हानं पर्वकालसं मोलल्हय
माल ॥ हे मञ्जुश्री बोधिसत्त्व तःधंगु बुद्धिदया
च्वंप्पि मनुष्य लोकं थुगु प्रकारं याय्माल ॥

थथ्य गुम्ह मनुष्यनं यात उम्ह मनुष्य इहलोकसं थुगु
जन्मं हे बुद्धपद लाई ॥

आःहानं भिक्षु जाति पिसं भक्ष भोजन याय् ॥
सकललोकया निभातोय्का निभा तोतले भक्ष भोजन
याय् माल, निभामदेका नलधाःसा संपूर्ण ब्रत धर्म
याक्व धर्म निस्फल धाये, निभा बिका नलधाःसा
प्रेत भोजन तुल्य धाये, हानं दुम्बर सिमाया
कोय् गुलितक यज्ञस होम जुल उलि सिमाया कोसं
चवना भक्षभोजन यात धालसा उपोषध ब्रत मयास्यं
निस्तार मजू (तरेमजू) धर्मयानां तिनि शुचि जुयी ॥
भोजन याय्गु परिमाण गथ्य धाःसा भोजातय्त
पवित्रयाये ॥ जाभूया तलसः त्रिकोण चोयाव
जाभुतये, ब्रह्म जातिया ॥ क्षत्रि जातिया प्यकोण
चोया व भोजातये ॥ वैश्यया, शूद्रया लंखनं जक
हा हा याये । थुगुप्रकारं भूमि शूद्रयाना भोजातय
माल । हानं भोजा शोधन यायेगु मंत्र ॥ ॥ ॐ नमः
समन्त बुद्धानां तेजोबलं ओजोबलं ददे स्वाहा ॥ ॥
हानं भोजास ह्नापालाक ध्योतयमाः भोजा चिपं
थीधुंकालि ध्योतयानलसा गोमांस तुल्य भालप्ये ॥
थनंलि बलि बिये, आचमन याना बलि न्यापुचो तये,

थनंलि थव आत्मा संतोष याये ॥ भिक्षुपिसं थुगुप्रकारं
 बन्धन भोजन याये ॥ श्रावणेरक भिक्षुया वज्राचार्यया
 थथ्य मंत्रनं भोजा शोधनयाना शुद्धमन याना भोजन
 याय्त पंचबलि विया ह्लापां अमृतनं संतोष याये (अमृत
 धयागु लंख) गोमाता संतोषयाये, अतिथी बलिकर्मादि
 संतोषयाये संतोषयाना थनंलि नवना डी पंचवायु संतोष-
 याये अर्थनं ॥ प्राण बायु संतोष याये अनामिकानं, अपान
 बायु संतोषयाये, मध्यमांगुलिनं, समानबायु संतोषयाये,
 तर्जनीनं, उदान बायु संतोषयाये, कनिष्ठिकानं, व्यान-
 बायु संतोषयाये म्हालापचिनं ॥ थथ्य यानानं पंच
 तथागतया आत्मा दुबिकधका सियमाल ॥ न्यापचिनं
 गोलमुनका भोजन याना फलनं दश बायु संतोषजुई ॥
 थुगु कथं भोजनयाय् बले मोलस (शिरस) कपाले
 लाहादिका नयमत्यो पालिजक चुया प्यनर्वे मथीक
 च्वना ने मत्यो पालिपुलिनं पिछोया लाहातनं नय्मत्यो
 तुतिकोताना व हततं ह्लिला नयंमत्यो थथ्य मयास्य
 नलसा शुचि । थथ्य याना मनलसा अशुचि ॥ दक्षिण
 स्वया नेमत्यो ख्वास्यंका नेमत्यो तोना ल्यंका तयागु लंख
 त्वन्यं मत्यो चिपं थिय्का ह्लोयागु नय्मत्यो भोजनयाय्
 बखते थवजाति याक्यंन मेवजाति याके नं चिप इथिमिथि
 जुलसा उपासं चोन्यमाल ॥ जपध्यानं तिनि शुचिजुयी ।

अहोरात्रछि चोन्यमाल । भोजन याय् धुंका म्हुतुचोले
 नोंसिये, म्हुतुचोलानं सकल प्रेत लोक पितृदेवता संतोष
 जुई थुकिया निमित्तिनं म्हुतु चोले माल, नयागुली अन्न
 भतीचा ल्यंकेमाल, फुकं नयमत्यो, थ्वते ल्यनगुनं
 सकल भूतगण संतोष जुई ॥ ल्यंका तयागुली नोंसिय्
 म्हुतु च्वले अनंली बांलाक नोंसिय शुचि पवित्र याये ॥
 शरीर शोधनयाये, मुखशुद्ध याय्त मुख शुद्धि काये ॥
 थनंलि महायान सूत्र बोने सद्धर्म पाठयाये ॥
 कथाकने ॥

थनंलि संध्या कालस लासासचोना देबगुरू यात
 नमस्कार याये, मंत्र जप स्तोत्र भावयाये, चतु संध्याया
 समयसं संध्याय्स उत्तर स्वये, बाचास पश्चिम स्वये,
 सुथे पूर्व स्वये बाह्लि दक्षिण स्वया ध्यान याय ॥ ॥
 भिक्षुया जुलसा सुथ बाह्ली संध्यास बाचास थुलि चतु
 संध्यास चलेयाये । गृहपतिया जुलसा सुथ बाह्ली
 संध्यास थुलिबेलास जप ध्यान नियम याये धका
 श्री भगवानपिसं आज्ञा दयकल ॥ ॥ थनंलि ध्यान
 याय्गु समयस लासाःचोना देबगुरूया भावना याये ।
 ध्यानयाय् न्यासयाये, गुरूदेबया चरणस नमस्कार
 याना सिंहगया च्वनाथ्यं थव न्ह्यवने मेपिमदुभापा

हर्ष मानयाना धारणी पदये (बोने) ध्यान जप याये
त्रिरत्न आदि स्वेष्ट देवताया नां स्मरण याये ॥ ॥

थनंलि उत्तर शिरयांनां पूर्वस्वयां थुगु प्रकारं
कित पूर्व शिर याना उत्तर स्वयां सुस्वप्न दर्शन बिय्-
माल धकां चिन्तनां यांनां छने ॥ ॥ थुलिकथा
मुनीन्द्र भगवानं आज्ञादयका विज्यागु नित्याचारविधि
जुल ॥ ३ ॥

थनंलि परमेश्वर मञ्जुश्री बोधिसत्त्वं श्री भगवान
याके न्यन ॥ हे मुनीन्द्र हे शाक्यमुनि पूनर्बार हानं
जि न्यन्यगु इच्छा जुल, छलपोलं आज्ञादयका विज्याय-
माल ॥ छलपोल गथिम्ह परमेश्वर धालसा छलपोलया
म्हुतुं प्रकाशजूगु बचन महा अमृत तुल्य जुया शुद्धबाक्य
जुया चवंगु बचन उत्पत्ति जुया च्वन, आः हाकनं
न्यन्यगु इच्छा याना थ्व संसारे गुम्ह मनुस्यं अज्ञाननं
मसिस्य व्रत धर्म याक बेलस मखु २ थ्ययायी, अथवा
तमनं पापकर्म यायी, थथे जुलसा थुगु प्रायश्चित्त गथ्य
यावा फुक्यगु धका जि न्यन्यगु इच्छा याना ॥

थनंलि भगवानं आज्ञादयका विज्यात गुम्ह अज्ञानि
मूर्ख मनुनं व्रत धर्म याय्गु बखते क्रोध उत्पत्ति याना

कचिङ्गलनं सनधाःसा लछितक उपासं च्वना लछियंक
 ह्लिथंदान याय् माल थथ्य यानातिनि पाप मोचन
 जुई ॥ ॥ हानं गुम्ह मनुष्यया नित्यकर्म याय्गु
 लोमन धाःसा ध्यान याये स्तोत्रयाये लोमना खण्डित
 जुलसा स्वचा प्यन्हुया ह्लिथं मोलल्हुया उपासनं
 चोन्यमाल, दान धर्म जाप स्तोत्र याय् माल, श्वतेनं
 शुचि जुई ॥ ॥ हानं गुम्ह मनुष्यं काम क्रोधयाना
 ब्रतकर्म यायेगु लोमंका लाथ्य सन धालसा श्वतेया
 पापनं रौरव धयागु नरकस वनी । थुकिया पाप नाश
 याय्त लछितक ब्रतयाना उपासं चोन्यमाल, नित्य २
 स्नान कर्मयाना मोल्हुया शुचियाना दानधर्म याय् माल,
 थुकिं शुचि जुई ॥ हानं श्व संसारस गुम्हस्यं वचनं
 यानापाप तःधंगुपाप धका धयातल वचनं याना पाप
 प्यता शरीरं याना पाप स्वता चित्तं याना पाप स्वता
 थुलि फ़ितापाप दकोया हा जुया चोन । प्राणि वध
 याना पाप मेपिगु बस्तु बलं कयागु पाप मेपिने स्त्री
 याके चलेयानागु पाप थुलि शरीरं यानागु पाप फुंक्यत
 थवगु शरीरं तुं दुःखसिया फुकेमाल ॥ ङुठ्ठा खँ ह्लानाया-
 पाप छोखँ चोखँ याना पाप छिद्र वचन तयागु पाप
 थिथि बिरोध जुइगु पापखँ श्वतेवचन याना पाप
 वचनं तुं दुःख सिया फुकेमाल ॥ ॥ हानं मूखुगु

विद्या मनं कल्पना यानागु पाप मेपिने मभिस्वयागु
पाप पर लोक मदुधका मनं भाःपा शास्त्र आदिनं
निन्दायाना पाप थुलिमनं यानागु पाप फुकेत मनं एक
चित्त याना जाप ध्यानयाना मननं दुःखसिया मोचके
माल फुके माल ॥ ॥ अपवित्र थासे जुलसा मंत्रनं
शुद्धयाना लंखनं हाहायाना शुचिजुई अथवा भारा
वर्त्तन जूसा लखं सिला निभाले थना मिपना शुचिजुई
लंखजुलसा भूमिस दिकानं शुचि जुई ॥ ॥ हानं
मत्योगु स्वयाया मत्योगु थियाया नयागु चिपं थ्यूगुया
चोखिं किकया लखं चाया लखं हाहायाना अथवा
मोल्हुया शुचि-पवित्र जुई ॥ ॥ हानं मत्योह्य मत्योगु बस्तु
थियाया छधा स्वधा न्याधा न्हेधा तक चायानं आचमन
यानानं शुचिजुई थथ्ययातसा दोषमदु सँखाकाय्म्वा ॥
॥ होम कर्म याय्बले बिबाह कर्मयाये बले यात्रास
तीर्थे वनेबले तःधं देवालयस चोन्य बले देशोपद्रव
संग्रामस सम्यक् आदिनं तवद्धंगु भोजनस गोथस
कामयानागु बखते सिकह्य थियागु बखते मचाबूह्य सिया,
रजस्वला जूह्य मिसा, चण्डाल जाति, खाःफाः पापि-
पुरुष, खिचा, नत्, पो, आदि सीह्याया ल्यूल्यूवंपिं थ्वते
सकल्यं थीमत्यो थिल धाःसा मोल्हुया पंचगव्य कया-
तिनि शुचि जुई ॥ थुपिं अशुचिपिं थीमत्यो थथ्य याना

तिनि शुचि जुई ॥ ॥ रोग जुया चोनीबले रोगमुक्त
यायत होमकर्म याय्गु बखते दीक्षाकर्म याय्गु बखते
चन्द्र सूर्ययात ग्रास जुईगु बखते न्ह्यागुजूसां धर्म कर्म
याय्गु बखते थथ्य जुइगु बखते चैल स्नान याय् माल
॥ ॥ मिसाते मास मासपत्ति मासिक जूसा स्वचा
प्यन्हुनं शुचि, मचाबुलसा फिनिन्हुनं शुचि थुकिया शुचि
पवित्र याय्त्त चैलस्नान याना व ह्यापायागु बस्त्रतोता
शुचिवस्त्रं पुनानं शुचि जुई ॥ थथ्यं हानं मभिक ह्यना
चोनसा मत्योगु थियाया दुष्टतस्यं थ्यूया हानं दुःखं
क्यनी बले थथ्य जुलसा सखाय लुसि ध्यनके माल ॥
हानं स्त्री प्रसंग याय् बेलस अजोर्ण जुया मलप्याहां
वल धाःसाः ज्याथजिथि जुवपिने थथ्य संकष्ट जूपित
मोल जक ल्हुयानं शुचि ॥ ॥ गुह्यगुह्यसिया स्त्री
पुरुष लासास द्यनाव चोंतले निम्हं अशुचि मिसाम्ह
दना मवंतले मिजं अशुचि मिसापि लासां दना वन्य
व पुरुषया शुचिजुई ॥ ॥ लुंजूसा मिछुया छलनं
त्वाक ह्याना कसि त्वहंतस चोला सुवर्ण वस्तु शुचि
पुनर्वारि लुं वह रत्न जाति मोति, भिपु, थुतिया
शंखलखं जक हाहायाना नं शुचि ॥ कें, सिज, लोया,
भारावर्त्तन खरानि बुया लखं चायानं शुचि ॥ हानं
वृहि वा, छो, कय्गु, आदि भले जुलसा लखं हाहा

यानानं शुचि ॥ सिंयाथल, चायाथल, जुसा लखं चवला
निभाले पानानं शुचि ॥ हानं चाथल सिंथल चाण्डालनं
थिलसा पंचगव्यं हाहा यानानं शुचि ॥ मल मूत्र, खि,
चो, थलजुको तोलत्येमाल जुल ॥ हानं मत्योगुलि
च्वंगु वस्तुक पंचभूतधाय, लंख, मि, चा, फय्, आकाश
श्वतेनं सुद्धयाये मज्यू व जूसा स्वभाव शुचिनं
शुद्धयाये ॥ ॥ थुलिशाक्य सिंह भगवानं तथागतं
आज्ञाजुवगु ॥ महापाराजिका शुचि नियम पटल प्यंगु
अध्याजुल ॥ ४ ॥

पुनर्वारि श्रीशाक्यमुनि भगवानं आज्ञाजुल हेमंजुश्री
आःपरलोक वन्ययात मुक्तिछोय यात क्रियाविधि
चोयातया ॥ ॥ संसार धयागु महासमुद्रस दुना
च्वंप्पि नरकभोगस वन्यम्बाके यात विधि थथ्य जुल ॥
गथ्य धाःसा ॥ गथ्य अमृत सूत्रस कनातल वथ्यं सकल
सत्वयात संपूर्ण पापनाश याये अर्थनं विशेषनं क्रिया
हीनपिन्त रक्षा यायनिर्ति जि थुगु खँ ह्मायत्यना धका
श्री शाक्यसिंह भगवानं आज्ञादय्का विज्यात ॥
हेमंजुश्री गथ्यधालसा ॥ ॥ यथा स्वयमेवोतीर्ण
शक्तीनां नौकायाकि प्रयोजनं ॥ तीर्णेच शक्तिहीनानां
नौकातेषांगरीयसी ॥ १ ॥ थःथ्यःथ मं संसार समुद्र
पार याय्गु समर्थ जूम्हसिया नामसः (द्वंगासः) चोना

वन्य म्बाल ॥ थःथ्यः थमं समुद्रपार वन्य मफुम्हया
 द्वंगस च्वना समुद्रपार याय्माः ॥ देहया इच्छा
 स्वभाव वर्ण जाति भाव सिय गुम्ह सिकम्ह जन्तुया
 विधि पूर्वक लक्षण सीकाव आपधातु वैरोचन तथागत
 शुक्लवर्ण ॥ तेजो धातु अमिताभ तथागत रक्त वर्ण ॥
 बायुधातु अमोघसिद्धि तथागत श्यामवर्ण ॥ पृथ्वीधातु
 रत्न संभव तथागत पीतवर्ण ॥ आकाशधातु अक्षोभ्य
 तथागत नीलर्ण ॥ थ्व पञ्चधातु न्यागुली धातुस
 दुव्युगु सियके वर्ण भेदनं पञ्चभूत पञ्चज्ञान भावना
 याये, गुम्ह २ सिया चिह्न रूप जुल उगुलि २ जोजलपे
 निर्वाणिक भिक्षुपिसं तत्त्वचिह्न सङ्गति स्वये ॥

थनंलि संहाराग्नि होमकर्म याय्गु शुचि शुद्धात्मा
 जुया गुम्ह अभिषेक मलाम्ह मंत्रकर्म योगनं तोतुगु
 शरीर थथिम्हसित धालसा दुर्गति परि शोधन मण्डल
 दर्शन याके ॥ सुखावती क्षेत्रेछोये ॥ ॥ गुम्ह लंखस
 जन्मजूपि प्राणि सकल्यं गुलि थलस जन्मजूपि गुलि
 आकाशस जन्म जुया जूपि सत्त्वप्राणि सकल्यं दुर्गती
 मभिगुगती तोतकेया कारणस संबोधिज्ञानस दुविके
 गथ्य दुविके धाःसा त्रिसमाधियोग याना काय, वाक,
 चित्त, शुद्ध याय्यानिंति पञ्चज्ञानस दुविके ॥ ॥

थनंलि सहाराग्नि होमयायत्त निम्बसि आदि स्वायुगु
बस्तुसि होम छोयके सकल हाकुगु उपचारं श्वते कर्म-
याना प्रथम भूमि धुंका व सीकस्स मर्जातिथ्यं सिथंयने
ग्रामसजूसां तीर्थे जूसां मुसाने जूसां कमम्डलुनं लंख
धारा हाय्का दुर्गति परिशोधन याये ॥ ॥ थुगुक्रिया
यायत्त क्रोध मतस्य उपासन चोना पुत्रपिसं शिष्यपिसनं
नमस्कार याना व्वछुना जलसंस्कार थलसस्कार पिण्ड-
दान याये ॥ ॥ ह्हापां जलदानं संस्कार याये थनंलि
पिण्डदान याये थनंलि अग्नि संस्कार याये थनंलि
गुबले तक धनं जय वायु प्रह्माण्ड तःज्यानाव मवंतल्यं
होमकर्म याये ॥ ॥ आः थुपितः थव २ जातिया
प्रमाणं प्रेताञ्जलि बिये थव समान सगोत्र सवर्ण गुरु
शिष्य मित्र पाजु श्वसुरं सिकयात प्रेताञ्जलि बिये ॥
॥ बालक जन्म जुयाव वा बुस्यंलि (प्यदं दत्त धायव)
थव बालक सीत धाःसाः स्वचा प्यन्हु नं शुचि जुल ॥
जल दान बियम्वाः ॥ ॥ बुयाव सो थुगु बखते
मां बौया स्वचा प्यन्हुतक दुःखंच्वने ॥ गोत्रया
दुःख उखुनुंतुं ब्यन पर शेषया वर्ष स्वयाव
विशेष बिशेशनं बिभाग याये ॥ ॥ वंछ छुय
धुनम्ह ब्राह्मण, क्षत्रि, वैश्य या बोधान तयधुनम्ह
(चूडाकर्म याये धुनम्ह) शूद्रया कयता बियधुनम्ह
सितधाःसा पिण्डदान याये, जल दानयाये, अस्थिकाय

माल ॥ बोधान तया तयाम्ह (वंछ छुनातयाम्ह) ह्तापा
सितधालसा जलदान मात्र पिण्डदान मयाय् गु ॥ ॥
गुलिंपुरुष किंनिदं दय्का सियो श्वतेजूसा पिण्ड थये,
माल जलदान याय् माल ॥ ॥ निर्वर्णिक भिक्षुम्ह
महाअभिषेक कया वज्राचार्य पद लाकम्ह थथिम्ह
मृत्यु काल जुलसा थनिसितसा थनितुं पिण्ड थये,
छगो मात्र जुक स्वयुलि सित म्वाः विशेषनं न्हेनुंन्ह्यो
सिधयके माल ॥ ॥ गुम्ह पुरुष सिनावन थनंलि
स्वन्हुखुनु अस्थिकाये, अस्थिपूजा याये नलिपूजा याये
ल्यंकभस्म गंगास चुयके ॥ ॥ स्वन्हुखुन्हु न्हेन्हुखुनु
दुर्गति परिशोधन मण्डल पूजायाये ॥ हानं
अस्थिपूजा अस्थिताडनादि अपरिमिता धारणिया
ह्लयन्हुखुन्हु दुःख ब्यनके लुसि ध्यनके मोल्हुये, निंगु
बस्त्रं तिथ संघ भोजादि भोजनयाके । थनंलि संम्यक्सं
बोधि ज्ञान लाय् अर्थनं छग्वल पिण्डथये तथागत तथता
स्वभाव याक्यनं लीनपिण्ड याये ॥ ॥ लीनयाय्गु
मंत्र ॥ ॥ ॐ मुने २ महा मुनये स्वाहा ॥ हानं
धारणी बोने ॥ ॥ ॐ नमः सर्व दुर्गती परिशोधन
राजाय तथागतायार्हते संम्यक्सं बुद्धाय ॥ तद्यथा ॥
ॐ शोधने २ विशोधने २ सर्व पाप बिशोधने शुद्धे
बिशुद्धे सर्वकर्मविरण विशोधने स्वाहा ॥ ॥ अद्य

प्रभृति अहं अमुक भिक्षु यथाते तथागतायानुत्तरायां
संम्यक्संबोधौ तथाहं परिणामये ॥ ॥ यत्तेमंत्र धारणी
बोना पिण्डलीन याये ॥ श्रावणेरक भिक्षु पिनिनं
थ्वथ्यंतुं क्रियाकर्म जुल ॥ चैलक भिक्षु व उपासक व
थुमिजक व्यागल २ कर्म व्यागल २ क्रिया जुल ॥ ॥
नैर्वाणिक भिक्षुक महाभिषेककया वज्राचार्यपद लाय्-
धुनपि वाहेक अभिषेक पद मलाकपि आदि पिण्डदान
याये शुचि पवित्र याय्गु थःगु जातिया उथ्यं जुल
उखुनु निस्यं न्हेनुतक पिण्डकर्म याये ॥ ॥ ह्लापां
खुनु, निन्हु खुन्हु, स्वन्हु खुन्हु छगोल थये प्यन्हु खुन्हु
न्यान्हु खुन्हु स्वंगो २ थये हानं सप्तमुनि तथागत
बिशुद्धियाये ॥ निमित्तिनं दुर्गतो वन्यम्वाकेत सप्तधातुसं
उत्पत्तिजुल भालप्य खुनुदस्यंलि छगोल पिण्डयाये
ह्लयन्हुखुनु निगोलथये ॥ सत्त्वगुण रजोगुण तमोगुण
थ्वतेस्वंगुली गुणस पुण्य शरीर प्रवेश याये बोधि
बीजामृत लाय् शुभयाय् निमित्तिनं थ्व पिण्डकर्म
यानाव तथागतया अग्रभागस पिण्ड चोया पिण्डथये ॥
॥ सप्त तथागत पिकेलीन जुयाव पुनर्जन्म म्वाके
निमित्तिनं गोत्रास पूजा याय् माल ॥ ॥ अथवा
मंत्रया बीजया कथं शुद्धि याये, कर्म याये ॥ थथ्य
मसलसा थथे मतसा चतुर्दश पिण्डथये पितृ लोक पक्ष

यात बिकलतये किं न्यागोल मातृ पक्ष जुलसा लीनयाय्
 माल कथंथ्यं ॥ ॥ बबु आजु माम अजि थ्वतेयात
 यथातथाते तथागतायार्हं थ्वतेवाक्यनं परया व लीन
 याये ॥ ॥ चतुवर्ण जातिया दशपिण्ड धका धया
 तल ॥ प्रेत पिण्डस ब्रह्म जातिया जूसा किन्हु १०
 क्षत्रिय जातिया किन्निहु १२ बैश्य जातिया किन्निहु
 १२ शूद्र जातिया नीछन्हु २१ थथ्यनं तिनि सितसां
 बुलसां शुचि जुयी ॥ ॥ देशान्तरसः सिकया स्वचा
 प्यन्हनं शुचि, हानं यज्ञकर्म यानागु बखतेसं तःधन
 धर्मदान याना यचिकया तयागु बखतस बिबाह कर्मस,
 वंछ छुनागु बखतस संन्यास भेद काय् बेलस थथ्य
 जुयाव चोन बेलस मृत्यु काल जुल धाःसा तत्कारं
 शुचि यनं व्यंकेज्यू ॥ ॥ पुनर्वार परमेश्वर
 मञ्जुश्रीनं श्रीशाक्यमुनि भगवान याके विन्तियात ॥
 हे भगवन् हे सर्वज्ञ थ्व संसारे गुम्ह सियां बौ स्वाना
 च्वन काय् सित धायव थ्व यात श्राद्धयाये लीनयाय कंथ
 गथ्य धका इनाप याना विन्तियात ॥ ॥ थनं
 शाक्यमुनि तथागतं आज्ञा दयकल गुम्हसिया पुत्र
 ह्लापा सित धाःसा बबुया बौ आजुधाय प्रपितामह
 धाय आजुयांबौ तापाआजु धाय कथंथ्यं बुद्ध, धर्म, संघ,
 धका थुमिके शरणधका थुगुलि बन्धन सोकाव सकल
 गति बिये लीन याय ॥ ॥

अथसांप्रतं श्राद्ध पिण्ड

हे मञ्जुश्री लीनपिण्ड याय्गु खँ कन्य धुन, आः
 हाकनं श्राद्धपिण्डया खँ कने नित्यश्राद्ध धयागु त्तिह्ति
 थयगु नैमित्तिक श्राद्धयाय् कार्यकारण दैबले हानं
 पर्वकाल लाईबले अमावासि संक्रान्ति पुन्हो द्वादशी
 अष्टमी जुगादि श्वते पर्वकालस श्राद्ध याय्पि हानं
 तिथी लिना व सीगु दिनस तीर्थस वनाव देवथानस
 जुल थथिगु थानस श्राद्ध याय्गु प्रसिद्ध दिन फल लाई
 ॥ ॥ गुम्ह पुरुषनं श्राद्धस भक्ष भोज्यादि भिक्
 शुद्धयाना बोतयाव मभिगु पदार्थ बस्तुक तोलताव
 थःगु हृदयस निर्मल शुद्धात्मा जुयाव शुद्धभूमिस
 जोजलप्य माल ॥ ॥ जजमानपिसं श्राद्धयाय्त
 म्हेनुखुन्हु पुरोहितया नय धुनका व जक निमंत्रणा याये
 नेमधुनिगु बखते निमंत्रण याय्त बलसा पुरोहितया
 लिपा नय मत्यो ॥ ॥ थनंलि श्राद्धयाय्तः लाहा
 तुति सिला नोचाया शुचिशील याये, शुचि पवित्रगु
 भूमिस श्राद्ध कर्मयाये, थथिगु थायस भक्तियाये, आदर
 पूर्वकं फयांफछि फुथ्यं बांलाक बिस्तार पूर्वकं जोजलप्पे
 थनंलि पितृ लोकयात पाद्याचमनादि बिये ॥ ॥
 गुम्ह मूर्खं तुतिसिला लाहासिना म्हुतु चोलागु थासे

श्राद्ध कर्म यातसा मंत्रक्रिया गुलितक यात उलिकर्म
 निस्फलज्वी, याको कार्य राक्षसनं काइ ॥ ॥ हानं
 श्राद्धकर्म याय्त गुरुयाये गथिम्ह धालसा महानेमी
 शुद्ध शुद्धात्मा म्वाकं न्वंमवाम्ह ईन्द्रिय चिना जिते
 याकम्ह जिते याये फुम्ह सुब्रती मेपिगु वस्तुकस लोभमदु
 भतिचां संन्तुष्टम्ह क्रियाबन्त महा विचक्षणम्ह राग
 द्वेषमदु क्षमाबन्त शुचिलाक थथिम्ह गुरुनं श्राद्धयाके
 गुरुयाय् जुल । थथिम्हगुरुं श्राद्धकर्म स्थापना यानानं
 सकल्यं पितृलोक संतुष्ट जुया स्वर्गस बास यायो ॥ ॥
 दुष्टआत्मा अनथन मदय्क जुय्योम्ह अहंकार बल २
 हालेयोम्ह न्वाय्योम्ह (बोबीयोम्ह) आपा २ नय् फुम्ह
 कचिगल जकथय् योम्ह बिकं संन्तुष्ट मजूम्ह, हानं खू,
 कां, धुसि, म्हँ च्याकिं, याल, सियूमिखा, वा छ्वाक,
 धःवा ताहा, मिखा फुसि स्वाम्ह अशुचिम्ह चित्तमभिम्ह
 गुरुयाय् मज्यू थथिम्ह गुरु तोत्य माल ॥ ॥ थथिम्ह
 आचार्यनं जज्ञ यातसां दीक्षा बिलसां असिद्ध बिशेषनं
 श्राद्धकर्म ज्यू कुतः मदेक श्राद्धकर्म याकलसा पितृ
 लोकनं न्हेन्हुपाक चोना निरासा याना वनी जजमान
 दाता नरक वनी हानं श्राद्धकर्म याय्त थलभल नैयागु
 मत्यो सिँयागु थलं मत्यो चायागु थलं मत्यो ॥ ॥
 पिण्ड थय्गु वखते थ्वते मत्योगु धाको पदार्थ कुतः

मदेका मिचेयाना कर्मक्रिया यातसा फुक पापं फुनावनी
थुक्रिया कारणस श्रीधर्म धातु चैत्य बिम्ब न्हेच्याना
गोग्रास, मत, भिनक शोभायमान याना पूजायाये
ज्ञानिजनपिसं गथ्य अष्टमी व्रतयाना थ्ये तुयुगुउपचारं
कर्मयाये पितृगण यात जक नानावर्ण यागुस्वां मत्यो
नस्वागुस्वां धाको मत्यो बिशेषनं मल्लिका स्वां मत्यो
पितृ लोक निराशा याना वनी देबलोक जकं संतोष
जुयी, पितृ लोकया बिकल सहितं संतोष मजू ॥ ॥
थुक्रियानिति नस्वागुस्वां जक लिपाछाः देबयात जक
छाय्मा लिपा फुकंत्यो, हामल, कुश, स्वान, शंख, लंख,
माडयुक्त यानाव गुर्यात संकल्प बिद्ये, थथ्य यातसा
पितृलोक संतुष्ट जुई सकल कर्म क्रियासं कुश श्रेष्ठ
कुश मदेकंयातसा पितृयात सकल कर्म व्यर्थ बिशेषणं
यज्ञस श्राद्धस प्रसिद्ध ॥ ॥ थुक्रिया निति कुशकाय
फकोनं ताहा हाकनं मत्यो चोचीमदुगु मत्यो गर्भहीनं
मत्यो फिनिलंगु प्रमाणं काये, भिगुथास शुचिभूमिस
स्वया काये कुशचोस बज्रसत्व भालप्ये कुशया मध्यस
अमिताभ भालप्ये कुशयाहास अक्षोभ्य तथागत भालपा
व सम्बर देवताया मंत्र बोना कुशकाये ॥ ॥
निर्वाणिक भिक्षुपिसं श्रावणेरक भिक्षुपिसं चैलक
भिक्षुपिसं महादुर्लभ थथिगुलि पिण्डदान यानागुया

पुण्यनं स्वर्गलोकसं चोनी सगोत्रनं सहितयाना पुत्र
मदुसा थमं याना पुण्यनं स्वर्गबासलाई ॥ हानं परदेशस
चवनागु बखते हानं छेंस पुत्रजात जुयोव बिदेशस
उपद्रव मजुयव पिण्डथये यात अन्न मदुसा भाव मात्रं
गाक हानं गुबेलसं कलातया रजस्वला जुयोव थुगु
बखते स्नानमात्रनं शुचि ॥ ॥ गुम्ह मनुष्यं पिण्डकर्म
याय्गु दिन मसिल थथ्य जूसा श्राद्धकर्म भंगजुया वन-
धाःसा पितृलोकनं श्रापबी भाः मखनेमा धका धायी ॥
हानं पिण्ड थय्गु बखते रजस्वला जुयी अथवा मोचा-
बुयी थथ्यजूसां निरासा जुया लिहांवनी ॥ ॥ गुम्ह
पूरुषनं थ्व चतुर्मासस गुम्ह २ स्यं पिण्डथयी थुम्हयात
अप्रमेय फललाई प्यंगुजुगादि गुखुनु २ धाःसा कार्तिकया
जुगादि नवमी बैशाखया अक्षय तृतीया श्रावण कृष्णया
त्रयोदशी माघपुह्ली थ्वते प्यंगु जुगया दिनस पिण्डदान
गुम्हस्यंयात थुम्हेसित चतुर्बर्ग फललाई चतुर्बर्ग फल
धयागु घर्म, अर्थ, काम, मोक्ष, थुलि फललाई ॥ ॥
थनं यजमानं ह्वापां थगु तुति सिये नोसिये षडङ्ग
न्यासयाये आत्मा शुद्धयाये थनंलि दाफोस्वां कुश लंख
ताय् अक्षत्र थुलि संयुक्त याना सूर्ययात पूर्वस्वया अर्ध-
बिये गुरुयात दक्षिण स्वया पादार्ध याये गुरुजक पूर्व
स्वये उत्तर स्वयाव थःयाप्रभृति सकल्यं संघपिन्त पादार्ध

याय् धुंका पूजायाये दक्षिणा बिय गणभोजन याके
 थनंलि पिण्ड थये पुरोहितयात संकल्पयाके पूजायाये
 प्रेत पिण्डथया लीनयाये श्रद्धापूर्वक पूजायाये पिण्ड
 दानयाये जवहस्त थलुया नोंचाय हस्त शोधन
 याये थनंलि जजमानं गंगा आदि फुक तीर्थ भालपा
 थवदुलानं ब्याचकं स्वपोल नोंचाय मेमेगुतीर्थ भालप्य
 म्वाल ॥ थनं कुशासन याये अर्घपात्रस तयाव पिण्ड
 याये लंखबी अनंलि कथंथ्यं बबुनं ह्लापा २ या पित्तनं
 धयाव पिण्डदान याये हानं बिकल मदेकं पिण्ड थलसा
 कोटि २ पिण्डथलसां निस्फल जुयी थुकियानिति गनं
 वनसां बिकल मदेकं मत्यो थनंलि गुरु पूजायाये
 दक्षिणाबिये बस्त्र आदि अलंकार दान याये थनबिसर्जन
 याये जजमानयात आशीर्वाद बिये ॥ ॥ थनंलि
 गाथा मंत्रबोनाव पिण्ड भाजन फलं पित यनाव लख
 धारा थथे छ्वाख्येलं चाकल उयका स्वचाकल उयके
 थन जजमाननं हात जोजलपं तयाव विसर्जन गाथा
 बोने ॥ ॥ ॐ कृतोबः सर्वसत्त्वार्थं सिद्धि दत्वायथा
 नुगा गच्छध्वंबुद्ध बिषये गच्छ २ पिण्डशेषंच अन्नशेषंच
 बिसर्जयेत् पुनरागमनायच पिण्ड बिसर्जनं मूः ॥ ॥ थ्व
 गाथा बोनागुखः थथ्य सकल सत्वयात अर्थनं सिद्धिफल
 बिया गथ्य बिज्याना वथ्यं लिहां बिज्याहुं गथ्य बांछाजुल

अथ्य फलबिया बिज्याना बुद्ध बिषयस पिण्डशेष
 अन्नशेष सहितयाना बिज्याहुं लिहां बिज्याहुं धका
 पुनर्वार बिज्याय माल लिपानं ॥ ॥ थन पिण्ड चुय्के
 दतसा प्रेतशिलास तीर्थस तःधंगु तीर्थस पुखुली खुसीस
 प्रेत श्राद्धया निस्तार थथ्य थनंली पिण्डया शेष ग्वय
 ग्वाः आदि सकल बन्धु जनपित भक्ष भोजन याके ॥
 ॥ पिण्ड थय बेलाथथ्य असानिकं बाह्लिस बाह्लिलंलि
 जुलसा निभा बोन्ह्यो ह्लिया स्वपहरस श्राद्धकर्म याये
 रात्रिस जक मत्यो ॥ ॥ इति पिण्ड प्रदान बिधि ॥ ॥

हनंगुलि अज्ञानि पुरुषपिसं थवथ्य थमं थव आत्मा
 घातकयाना मोचकी (स्याई) थमतुं शस्त्रनं प्रहार
 याना सियी थथ्य जुया मृत्यु जुवम्ह यात जूसा कृष्णपक्ष
 चतुर्दशी खुनु पिण्डथये थाय जक गनं जूसांत्यो तीर्थस
 जूसांज्यू अथानन्तर छें सां त्यो ॥ ॥ ब्राह्मणया
 सीबले फिन्हनं शुचि क्षत्रिय फिनिन्हनं शुचि वैश्यया
 फिन्या न्हनं शुचि शूद्रया लछिनं शुचि ॥ ॥ गुम्ह २
 मा सी बुई बले शुचियाय्गु ल्याःचा चाह्लिस सितसा
 सूर्य उदय मजूतल्यं न्ह्यो सितसा न्ह्यतुखुनुतुं यागु
 ल्याःस्वया व्यनके सीसां बुलसां थथ्य हानं गुम्हमिसाते
 मोचा बुयासी गुखुन्हु बुया व दिनखुन्हु फिन्हुतक

प्रमाणं व्यंके ॥ हानं चन्द्रग्रासस सूर्यग्रासस बिबाहस
यज्ञसालास चोनागु बखते पासा संसर्ग परदेश वना
चवना बले तीर्थबास वना चोनाबले थुगु बखते मचा बुलसा
सितसां दुःखं चोन्य स्वाः खुसिस चोना बलेनं समाचार
न्यनागु मदुतले कार्यसिद्ध याय् ज्यू ॥ ॥ काल काले
पर्वतं कुतुं वनासी हानं मि पुनासी लंखनं चुयक
वनासी लंखतं दुकयासी सिमां कुतुं वयासी संन्यास
व्रत कायबले बालकसी थथ्य जुलसा उखनुंतुं व्यंके
यनं व्यंके धयागु थथ्य ॥ ॥ बन्दे छुना कर्मस
व्रतकर्मस बुसखायस बिबाहस होमकर्मस यचिस्वन्यस
थुगु बेलास सितसां बुलसां न्हुधका उथ्यं चोन्य स्वाल
॥ ॥ देशान्तरस सिकया वा तायव (न्यन्यव) दुःखं चवने
माल बन्धुजनया तत्कारणं शुचियाये ॥ मां बौया
सगोत्रया अथवा मां बौ नं सियव फिन्हुतक अशुचि ॥
हानं केहैया मचा भिनामचा, म्हाय्मचा जिरि थुपि
थव थास वयासी थुपि सितधाःसा स्वचा प्यन्हुनं
शुचिज्वी ॥ ॥ हानं मचाबुयानं मचाबुयी, सिना
हानंसी तत्कारणं शुचि याय् माल ॥ ॥ हानं सीथाय्
मोचा बुयी थथ्य जूसा सिकया मव्यंकं बूया शुचिमजू ॥
सीयाव्यंका लिपा बूया व्यंके ॥ ॥ हानं गुम्हसिया
बालक जातजुल थव बालकया वा मबुर्यं सितधाःसा

शुचि याय्म्वाः जलदान याय्म्वाः अग्नि संस्कारणं म्वाल
 ॥ ॥ गुम्हसिया मचाबुया वादयका बालक सित थथ्य
 जूसा तत्कारणं शुचि मां बौया स्वचा प्यन्हुनं शुचिज्वी
 ॥ ॥ गुम्ह मनूते मां सितसां बौ गुरु सितसां
 गंथाय्तक सँ मखात ग्वाय् मखात उबले तकं शुचि
 मजू थुकियानिति सँ खाकेमाः ॥ ॥ हानं गुलि
 मनूत देशान्तरेसी थुबले सीगुदिन लुममनि बारलु
 ममनि थथ्य जुल धाःसा थःथ्य थमं मनं लुमंका व
 शुचि पिण्ड याये ॥ शुचि पिण्ड थये ॥ ॥ मंत्र कर्म
 लाकम्ह जकंया स्नान मयास्यं जाप मयास्यं शुचि
 मजू ॥ ॥ थनंलि फिन्हु खुनु क्षूर कर्मयाना बस्त्र-
 तोते स्नानया तीर्थे जूसां देश बाहिरी जूसां वना
 शुचि याये ॥ थथ्य याना दुःख व्यनके ॥ गुरु सितसां
 बौ, सितसां दछितक छुं याये मत्यो मोल ल्हुय पूजा-
 कर्म दानकर्म शुभकर्म याय् मत्यो ॥ मां सितसा
 खुलातक छतां याय् मत्यो कलासितसा स्वलातक छतां
 याय् मत्यो दाजु किजा मचात सितसा लत्यातक छुं
 याय् मत्यो थुलि दिन वस्यंलि तिनि शरीर पबित्र
 याना तिनि शुचि जुइ ॥ ॥ परमेश्वर मंजुश्रीनं
 भगवान् याके बिन्तियात ॥ हे भगवन् पाराजिकाय नां
 गथ्य महा पाराजिका धका नाम जूगु थ्व पारा जिकाया

स्याय्थ्यं सती ॥ हानं थःगु बल पराक्रम दुमालप
 पर प्राणि यात दुःख बियागु पापं नरक आदि दर्शन
 यार्ई असंख्य दुःख भोग याय्माली थुगु पापं मुक्ति
 याय्त भूमि दान सुवर्णदान गो (सा) दान याय् माल
 श्वते पुण्य यातसा पापमुक्त ज्वी । हानं थःगु निमित्ति
 सुख याय् धका मां, बौ, गुरु, दाजु, किजा, बन्धुजन
 यात दुःख बिया कचिगल थई थुकिया पाप प्रायश्चित्त
 फुकेत्त ह्लापा कनागु थ्यं बिधि याय् माल अथब
 बालक मचाजुलसा ज्याथ जिथि जुलसा हानं मिस
 मिजं सकस्यां रोगि जुया चोनीगु बखते थुमि सिया
 मां, बौ, गुरु, बन्धुजनयाके दुःख बियागु दुसां अथब
 सितसां बुलसां रोगि जुतले दोष म्वाल सूतक म्वाल
 रोगिम्ह लाया वनधाःसा बछितक दुःखं च्वने माल
 फिन्हुचोने माःसा न्यान्हुनं गाक हानं ज्याथ धाय् प्रमाण
 चयदं दत्त धाय् व. फिनिदं बालक फिनिदं निस्यं चयेद
 तक जौभन अबस्था थुमि अबराध जुलसा प्रायश्चित्त
 चोने छको जक च्वंसांगाक ॥ ॥

इतिबध पाराजिका

तथागतया चर्यालाना महायान चर्यास दुबिन
 च्वंम्ह प्रत्येक चर्यास दुबी व प्रत्येक चर्यास दुबित

धाःसा पुनर्बारि तथागत चर्या याय् मज्जू जुल ॥ प्रत्येक
चर्यास धरलपा चवंम्ह श्रावक चर्यासि दुबीत धाय्व
हानं प्रत्येक चर्या मलात थुम्ह सदां श्रावक धाय् ॥ ॥

॥ इति पत्ति पाराजिका धिक्कार ॥

भिक्षुपिसं न्हेघौ फिय्माल न्हेघौ मफिस्यं भक्ष
भोजन यातसा ह्लिछितक ब्रत याय्माल थ्व थ्यं आर्य
श्रेष्ठ जन पिसनं मत्यो भक्ष अभक्षं खान पान
यातसा खुदंतक प्रायश्चित्त चोने माल ॥ ॥
अज्ञाननं मस्यूस्य नलसा ब्रत धर्म याना शुचि
याय् ज्यू ॥ थव थमनं सीक सीकं खंखं कुतल मदेक
अभक्ष भक्ष यातसा पुनर्बारि धर्म कर्म याना सचे'याय् ।

॥ इति भक्षाभक्ष शुचि निर्देश ॥

॥ इति गुरुत्तलजक ॥

तवधन पुरुष महाश्रेष्ठ जुया चवंम्ह महायान
चर्यासि चवंम्ह पुनर्बारि जन्म काय स्वालम्ह थजाम्ह
पुरुष यात सूत मृतक बारे याय्म्वाः ध्यान मात्रनं
शुचि थनंलि उष्टाराभाव चर्या लाना चवंम्ह संपूर्ण
कम्म कर्तासि चवंम्ह तथागतथ्यं वन्य फुम्हया प्राणा
याम मात्रनं शुचि ॥ हानं तवधंपि भिक्षुचर्या धारण

याना चवंम्हया सद्य शुचि श्रावणेरकया त्रिरात्रं शुचि
 चैलक जातिया खुचां शुचि सीसां बूसां थथ्य ॥ ॥
 ब्रतीजनपि सीसा एक पिण्डजक थये भिक्षुयां थथ्य
 चैलकया उपासकया दशपिण्ड उप्रान्त सकसियां दश-
 पिण्डनं शुचि जुई ॥ कर्म क्रिया जक छुता २ जुल
 सगोत्रयां उपासकयां सकसियां सँ खाना नं शुचि थुकिं
 सँ खाय माल पञ्चगव्यं हाहा याय माल ॥ बस्त्र फुकं
 तीर्थया लखं हाहा याना शुचि याय माल ॥ ॥ दाजु किजा
 निनिया काय म्ह्याय्यां म्ह्याय्या भात श्वसुर जिलाजं
 काय त्वायजु बन्धुजन थत्ते सितसा स्वचा प्यन्हुन
 शुचि मोलजक न्हुय माल शुचि ॥ ॥ बौयात पिण्ड
 थय कायमच्चानं, कलानं नं त्यो पुरुषयात नामनं त्यो, दाजु
 किजां नं त्यो कायमचा मदुसा सगोत्र पिसं नं त्यो ॥
 शुचिनं योग ध्यान तत्त्वलाकम्ह मंत्र ज्ञान लाकम्हया
 मृतक जूसां सूतक जुसां नित्यकर्म त्योत्य मदु ॥ मिसा-
 पिने रजस्वला जुई स्नान मात्रं गाक हानं मचाबुई
 मचासी हानं, सी गुथाय्स बुयो ब्रत उपास चोतानं
 गाक बिबाह कर्मजक मत्यो ॥

॥ इति शुचि निर्देशः ॥

थनंलि जिनं कने त्यना हे मञ्जुश्री न्यो छं ॥
 पुकपाप यानागु पार यायगु खँ सकलपाप बिष नाश

याय् निति प्रायश्चित्त चवने मागुज्याः थथ्य याय् माल
 धका कने ॥ ॥ ह्लापां खुन्हु अष्टमी ब्रतथ्यं चलेयाय्
 निन्हु खुन्हु धर्मकथा न्यने स्वन्हु खुनु जप स्तोत्र पाठ
 याये प्यन्हु खुन्हु गुरु ध्यान भावना याना चवने ॥ ॥
 ह्लापां प्रायश्चित्त चवने खुन्हु ह्लिछको जक पालं याना
 उपासं चवने थुखुन्हु श्री बुद्ध, धर्म, संघ, स्मरण याना
 चैत्य प्रदक्षिणा याना अहोरात्रतक चवने ॥ हानं
 निन्हु खुन्हु मेपिसं बीकातिनि नयत्यो थ्व खुन्हु मन्त्र
 जाप पाठ याय्जुल थःमं मसःसा गुरुं याय् जुल ॥
 हानं स्वन्हु खुन्हु अहोरात्रछि निराहारं उपासं जुल ॥
 थ्व खुन्हु गुरु उपदेशयाना धारणा याना अहोरात्र
 चवने ॥ थुलिपरिमाणं प्यता प्रकारं प्यन्हुया उपासं
 चवने ॥ न्यान्हु खुन्हु सँ खाये ग्वाये खाना अहोरात्र
 चवने ॥ थ्वते परिमाणनं प्यता प्रकारं प्यन्हुयाये स्नान
 दान आदि याना पंचगव्य साधन याये पञ्चगव्य
 तोने ॥ ॥ न्यान्हु खुनु थःपाजु प्रमुखं पञ्चथबीर
 दय्का आचार्यपि न्हाच्याना कर्म क्रिया याये ब्रतधर्म
 दनके शुद्धात्मा जुया चवने ईन्द्रिय जितेयाये थनंलि
 पालंयाये पालं धुंश्यलि शुचि जुई ॥ ॥

॥ इति व्रत निर्देश ॥

पंचगव्य धयागु पदार्थ सायाचो, सायाखि, साधौ,
सादुदु, साध्यो, तीर्थया लंखनं संयुक्त याना मिसे याना
थुगु पंचगव्य श्रावक, प्रत्येक, महायान, ब्रह्मजाति
जुकस्यं पंचगव्य सेबलप्ये क्षत्रिजातिया कपाले हाहा
याये बैश्य जातिया पंचगव्यनं हाहायाये मिसातेत
शूद्रयात पंचगव्य अजोग्य, गथ्य धाःसा भिक्षुपिसं
सुरापान सेवा याय् मत्योथ्यं शूद्र जातनं पंचगव्य सेबन
यायेमत्यो ॥ ॥ अक्षोभ्यतथागत मूत्रया रूप
बैरोचनया रूप घेलया रूप अमिताभया रूप बज्र
सत्वया रूप सादुदुया रूप अमोघसिद्धिया रूप साधौ
सूर्यया रूप तीर्थलंख सकलया मुख कमलस चवन
बज्रसत्व पंचभूत पंचज्ञान पंचस्कन्ध स्वरूप खने
आचार्यनं शुद्ध भूमिस स्थापना याये ॥ ॥

॥ इति पंचगव्य विशुद्धि रिति ॥

नीलवर्ण सा याके सोचो हाकुसा याके खि ह्याउं
सायाके दुदु सियुम्ह सायाके धौ तोयुम्ह सायाके ध्यो
काये ॥ श्वते पंचगव्य न्याम्ह सायाके स्वरूपनं पूजाया
याये ॥ नन्दा, भद्रा, जया, सौम्या, कपिला, श्व न्याम्ह

गो माता पिसं प्रशन्न जुया बिज्यागुलिं संपूर्ण पाप नाश
अर्थनं नमस्कार याना प्रसीदबन्तु ओ आयु निरोग्य
संपत्ति कामार्थं ॥

। इति पंचगव्य साधन विधि ॥

श्वगुली गाथा मंत्रनं संयुक्त याना सायाके पलछि
मात्र गोमुत्र काये श्वया बछि साखिकाये दुदु न्हेपल-
काये घ्यो पलछि काये धौ न्यागु पलकाये तीर्थजल
पलछि काये श्वते प्रकारनं साधन याय् गथ्य धाःसा
ईन्द्रया बज्रथ्यं छुनं भेदयाय् मज्जू मंत्रया तेजनं श्व
पंचगव्यनं संपूर्ण पाप फुकी अथयानिति गुम्हसित श्व
पंचगव्यत्वंकल थुम्हसिया पाप नाश जुया शुचि जुई ॥
॥ श्व मंत्र बोना पंचगव्य शोधन याये ॥ धार २१ ॥
तद्यथा ॥ ॥ ॐ ॐ ॐ अमोघ परिशुद्धन राजाय
तथागता यार्हते संम्यक संबुद्धाय ॥ तद्यथा ॥ ॐ शोधय
समत्तेन धिरि २ शुद्धसत्व महापद्मे हूँ हूँ हूँ फट् फट्
फट् स्वाहा ॥ ॥ श्व मंत्र बोना नीछधा २१ शोधन
याये ॥ थुगु पुण्यं संपूर्ण पाप नाश जुई ॥ ॥ इतिसर्व
तथागत द्वादश सहस्र पाराजिका बिनय शूत्रो द्धृत
श्रीमत् मुनीन्द्र कमल बिनिर्गत पाप परि मोचनी नाम
निर्देश समाप्तम् ॥ ॥ शुभम् ॥

परिशिष्टम्

बौ या बौ ससःबौ कायपि बौया मां म्हायपि
बौया पाजु कायपि दाजु किजापि अबुया पुस्ता ध
यातल ॥ १ ॥ मां या मां ससःमां कायपि मां या
बौ ससःमां म्हायपि मांया पाजु कायपि मांया दाजु
किजापि मांया पुस्ता सीकि धका धयातल ॥ २ ॥
न्हे पोस्ता क्यपि ब्याहा याय् मज्यू ॥

न्यायुप्रकार या श्राद्धं तु

नित्यं नैमित्तिकं काम्यं बृद्धिश्राद्धं अथापरम् ॥
पार्वणंचैति विज्ञेयं श्राद्धं पंच विधं बुधैः ॥ १ ॥
पूर्वान्हे दैविकं श्राद्धं अपरान्हेच पैतृकम् ॥
एकोदिष्टंच मध्यान्हे प्रातः बृद्धि निमित्तकम् ॥ २ ॥

नित्य १ नैमित्तिक २ काम्य ३

बृद्धिश्राद्ध ४ पार्वण ५ न्याता प्रकारया श्राद्ध सीकि ॥ १ ॥

दैविक श्राद्ध पूर्वान्हे याये पिमृश्राद्ध अपरान्हे याये
एकोद्दिष्ट श्राद्ध मध्यान्हे याये वृद्धिश्राद्ध सुथे याये ॥२॥

॥ सूतके सूतक वारे यायगु ॥

मरणं मरणे चैव सूतकं सूतके नतु ॥

उभया वपि यत्पूर्वं तेनशौन्येन शुद्धति ॥ ३ ॥

सिना हानं सित बुया हानं बुल
थथ्य जुलसा गुगु ह्लापालात ह्लापायागु लिना थुगु
निगुलीनं उकें शुचि जुई ॥

बज्रसत्त्व पारजिका

दशपारमिता आजुपि जुईगुक्रम

प्रमुदिता १ विमला २ प्रभाकर ३ अचिष्मती ४
सुदुर्जया ५ अभिमुखी ६ दुरंगमा ७ अचला ८ साधु-
मती ९ धर्ममेघा १० श्व किगु भूमिः— श्वकिगुभूमि
क्रमथ्यं पारमितां पुरे जुया थाहां वनोपि थुपि खः
दशपारमिता आजुपि ॥

यथा [गथ्यधाःसा]

भिक्षु पारमिता

दान पारमिता १ शील पारमिता २ क्षान्ति

पारमिता ३ वीर्य पारमिता ४ ध्यान पारमिता ५
प्रज्ञा पारमिता ६ बल पारमिता ७ उपाय पारमिता ८
प्रणिधि पारमिता ९ ज्ञान पारमिता १० श्व ऋगु
दश पारमिता जुल ॥

ऋगुज्ञान

दुःख ज्ञान १ समुदय ज्ञान २ निरोध ज्ञान ३
मार्ग ज्ञान ४ धर्म ज्ञान ५ परचित्त ज्ञान ६ संबृत्ति
ज्ञान ७ क्षय ज्ञान ८ अनुत्पाद ज्ञान ९ अद्वय ज्ञान १०
श्व ऋगु ज्ञान जुल ॥

ऋगुआ कार [ऋगु आत्मा ग्राह]

एकल्पग्राह १ हेत्वर्थग्राह २ भाक्तृत्वग्राह ३
स्वतन्त्रत्वग्राह ४ अधिप्रत्तित्व ग्राह ५ नित्यत्वग्राह ६
संबिलषट्त्व ग्राह ७ यामित्व ग्राह ८ मुक्तत्व ग्राह ९
कर्तृत्व ग्राह १० श्व ऋगु प्रकार जुल ॥

ऋगु अर्थया तत्त्व

मूलतत्त्व १ लक्षणतत्त्व २ अबिर्यासितत्त्व ३ फल-
हेतुतत्त्व ४ उदारिकतत्त्व ५ सूक्ष्मतत्त्व ६ प्रसिद्धतत्त्व ७
बिशुद्ध योगाचार तत्त्व ८ संग्राहकतत्त्व ९ कौशल
तत्त्व १० श्वऋगु तत्त्व जुल ॥

ऋगुत्रल

स्थानास्थान ज्ञानबल १ कर्मविपाक ज्ञान
बल २ नानाधातु ज्ञान बल ३ नाना विमुक्ति ज्ञान बल
४ ईन्द्रिय परंपरा ज्ञान बल ५ नाना समाधि समा-
पत्ति ज्ञान बल ६ सर्वत्र गामिनी प्रत्तिपत्ति ज्ञान-ज्ञान
बल ७ च्युत्युत्पत्ति ज्ञान बल ८ पूर्वे निवासानुस्मृति ज्ञान
बल ९ आश्रवक्ष्य ज्ञान बल १० श्वऋगु बल जुल ॥

ऋगु आकार त्रिशिता

आयु बशिता १ कर्म बशिता २ परिस्कार
बशिता ३ विमुक्ति बशिता ४ प्रणिधि बशिता ५
ऋद्धि बशिता ६ उपपत्ति बशिता ७ धर्म बशिता ८
चित्त बशिता ९ ज्ञान बशिता १० श्वऋगु बशिता
जुल ॥

पारमितां पुरे जुया थाह्वा वनीगु क्रम

थय

प्रथम भूमि प्रमुदितास याय् माक्व संपूर्ण कुशल
कर्म याना दान पारमितां पूर्ण जुया दुःखज्ञान, एकल्य
ग्राह, मूलतत्त्व, स्थाना स्थान ज्ञान बल, आयु बशिता,
थुलि आदि पूर्णजूमह ह्वापांयागु प्रथम भूमि प्रमुदिताया
ह्वापांयाम्ह छम्हम्ह आजुजुल ॥ १ ॥

प्रथमभूमि प्रमुदिता यागु ज्ञान संभारं पूर्णजुस्यंलि
 थुगुभूमि थाहां वना द्वितीयभूमि बिमलास वना अन-
 भूमि याय् माक्व संपूर्ण कुशल कर्म याना शीलपार
 मितां पूर्णजुया समुदय ज्ञान, हेत्वर्थग्राह, लक्षणतत्व,
 कर्मबिपाक, ज्ञान बल, कर्म बशिता, थुलि आदि पूर्ण
 जूम्ह द्वितीय भूमि बिमला भूमिया निम्हम्ह आजु
 जुल ॥ २ ॥

द्वितीयभूमि बिमला भूमियागु ज्ञान संभारं पूर्ण
 जुस्यंलि थुगु भूमि थाहां वना तृतीयभूमि प्रभाकरस
 वना अनभूमि याय्माक्व संपूर्ण कुशल कर्म याना
 क्षान्ति पारमितां पूर्ण जुया निरोध ज्ञान,
 भाक्तृत्वग्राह, अबिर्यसितत्व, नानाधातु ज्ञान बल,
 परिस्कार बशिता थुलि पूर्णजूम्ह तृतीयभूमि प्रभाकर
 भूमिया स्वम्हम्ह आजु जुल ॥ ३ ॥

तृतीयभूमि प्रभाकर यागु ज्ञान संभारं पूर्ण
 जुस्यंलि थुगुभूमि थाहांवना चतुर्थ भूमि अचिष्मती
 भूमिस वना अनभूमि संपूर्णयाय् माक्व कुशल कर्म
 याना बीर्य पारमितां पूर्णजुया मार्ग ज्ञान, स्वतन्त्रत्व
 ग्राह, फलहेतुतत्व, नानाबिमुक्ति ज्ञान बल, बिमुक्ति

बशिता, थुलि आदि पूर्णजूम्ह चतुर्थभूमि अर्चिष्मती
भूमिया प्यम्हम्ह आजु जुल ॥ ४ ॥

अर्चिष्मती चतुर्थभूमियागु ज्ञान संभारं पूर्ण
जुस्यंलि थुगु भूमि थाहां वना पंचमभूमि सुदुर्जया
भूमिस वना अन भूमि संपूर्ण याप् माक्व कुशलकर्म
याना ध्यान पारमितां पूर्णजुया धर्मज्ञान, अधिपतित्व
ग्राह, उदारिकतत्व, इन्द्रिय परंपरा ज्ञान बल, प्रणिधि
बशिता, थुलि आदि पूर्ण जूम्ह पंचमभूमी सुदुर्जया
भूमिया न्याम्ह म्ह आजु जुल ॥ ५ ॥

पंचमभूमि सुदुर्जया भूमियागु ज्ञानसंभारं पूर्ण
जुस्यंलि थुगु भूमि थहां वना षष्ठमभूमि अभिमुखीभूमि
संपूर्ण याप् माक्व कुशलकर्म याना प्रज्ञापारमितां पूर्ण
जुया, परचित्त ज्ञान, नित्यत्व ग्राह, शूक्ष्मतत्त्व, नाना
समाधि समापत्ति ज्ञान, बल, ऋद्धि बशिता, थुलि
आदि पूर्णजूम्ह षष्ठमभूमि अभिमुखि भूमिया खुम्ह म्ह
आजु जुल ॥ ६ ॥

अभिमुखी भूमि षष्ठम भूमियागु ज्ञान संभारं
पूर्ण जुस्यंलि थुगु भूमि थाहां वना सप्तमभूमि दुरं
गमाभूमि संपूर्ण याप् माक्व कुशल कर्म याना बल

पारमितां पूर्ण जुया संबृत्तिज्ञान, संबिलस्त्व ग्राह,
प्रसिद्ध तत्त्व, सर्वत्र गामिनी प्रतिपत्ति ज्ञान बल,
उपपत्ति बशिता, थुलि आदि पूर्णजूम्ह सप्तमी भूमि
दुरंगमा भूमिया न्हे म्ह म्ह आजु जुल ॥ ७ ॥

दुरंगमाभूमि सप्तमि भूमियागु ज्ञान संभारं पूर्ण
जुस्यंलि थुगु भूमि थाहां वना अष्टम भूमि अचला
भूमिस वना संपूर्ण याय् माक्व कुशलकर्म याना उपाय
पारमितां पूर्ण जुया, क्षय ज्ञान, यामित्व ग्राह, योगा
चार तत्त्व, चपुत्युत्यत्ति ज्ञान बल, धर्म बशिता, थुलि
आदि पूर्णजूम्ह अष्टमी भूमि अचला भूमिया च्या म्ह म्ह
आजु जुल ॥ ८ ॥

अचलाभूमि अष्टमी भूमियागु ज्ञान संभारं पूर्ण
जुस्यंलि थुगु भूमि थहां वना नवम भूमि साधुमती
भूमि वना संपूर्ण याय् माक्व कुशल कर्म याना प्रणिधि
पारमितां पूर्ण जुया, अनुत्पाद ज्ञान, मुक्तत्व ग्राह,
संग्राहक तत्त्व, पूर्व निबासानुस्मृति ज्ञान बल, चित्त
बशिता, थुलि आदि पूर्णजूम्ह नवमभूमि साधुमती
भूमिया गुम्ह म्ह आजु जुल ॥ ९ ॥

साधुमती नवमी भूमि यागु ज्ञान संभारं पूर्ण
जुस्यंलि थुगु भूमि थाहां वना किगुभूमि धर्ममेघाभूमि

वना संपूर्ण याय् माक्व कुशल कर्म याना ज्ञान पारमितां
पूर्णजुया, अद्वयज्ञान, कर्तृत्वग्राह, कौशलतत्त्व, आश्रव-
क्षय ज्ञान बल, ज्ञान बशिता, थुलिआदि पूर्णजूम्ह
किगु भूमि धर्ममेघा भूमिया किम्हम्ह आजु जुल ॥ १० ॥

थुगु दश भूमिेश्वर यागु संपूर्ण व्याख्या दश
भूमिेश्वर ग्रन्थे व पंच बिंशति साहस्रिका प्र ज्ञापारमिता
ग्रन्थे दु थन संक्षिप्त (दिक् दर्शन) मात्र चवयागु
जुल ॥

थुलिसक्षिप्त दशपारमिता आजुपिंगु खँ जुल ॥

मयूर वर्ण बिहारे ललितपुर पत्तने

जिजन्म जूगु नेपाली दोछि व नोछि सालसः ॥ १ ॥

बज्राचार्य कुलेजन्म मोहनराज नांजिगु ।

सिद्धलका थ्व चोयागु च्वेप्यदं जि दुगुइले ॥ २ ॥



लेखकया प्रकाश ज्वी धुंकुगु सफूत

नेपाल भाषा

- १ शाक्यसिंहया वीर प्रतिज्ञा
- २ मंगलास्तव स्वस्ति वाक्य भाषा टिका
- ३ संसार वृत्ति साधन
- ४ सर्वज्ञ मित्रा बदान
- ५ रूपावत्यबदान भगवान बुद्ध मिसा जुया
जन्मजूगु
- ६ उपोषधा बदान-अष्टमी ब्रतकथा
- ७ गोकर्णेश्वर वीतराग कथा
- ८ महादीप छोयेकेगु-दीप कथा
- ९ चैत्य भजनानुशंशाबदान
- १० जीर्णोद्धार बिम्ब कथा
- ११ शुक्ला बदान
- १२ आस्फानक योग (प्राणायाम)
- १३ मञ्जुध्रीपाराजिका